


新編 汪瀆齋 地理考彙釋

ル 5  
133  
4





呂  
133  
4

新輯注地里志卷第七

嘉定錢坫著

大興徐松集釋

魏郡高帝置

十二年置也

莽曰魏城屬冀州戶二十一萬二千八百四十九口九十二萬九千六百五十五縣十八

鄴

在今彰德府臨漳縣西二十里元和郡縣志故城在鄴

縣東五十步

閻氏若璩曰魏郡治鄴縣

故大河在東北入海

此禹河也由故鄴縣東斥邱縣東至列人縣東得橫漳

東北入于海王橫曰禹之行河水本隨西山東北去  
此是也閻氏若璩曰故大河者禹之故河也至周定王五年始不復從此行  
館陶

今東昌府館陶縣後漢書注今魏州縣也

河水別出爲屯氏河東北至章武入海

水經注所謂逕館陶縣東北出者也溝洫志自塞宣  
房後河復北決于館陶分爲屯氏河東北逕魏郡信都  
勃海入海

過郡四行千五百里

依溝洫志則四當爲三

斥邱

在今廣平府成安縣東南三十里後漢書注故城在成  
安縣東南元和郡縣志東南三十里應邵曰斥邱在西  
南十三州志地多斥鹵故曰斥邱

莽曰利邱

沙

郡國志亦作沙魏都賦注同唯水經注作涉表離石侯  
劉綰更封涉侯亦作涉字形相近相承互異今彰德府

涉縣太平寰宇記潞州涉縣漢舊縣也

王氏念孫曰水經清彰水東過

涉縣西屈從縣南注云地理志魏郡之屬縣也漳水於  
此有涉河之稱是善長所見漢志本作涉趙東潛謂兩  
漢志本作涉縣至三  
國時始有涉名者誤

內黃

在今彰德府內黃縣西北二十里後漢書注在今縣西北司馬彪應邵並云黃澤在西溝洫志澤方數十里

清河

水出南即淇水也水經淇水東過內黃縣南為白溝北至廣宗縣為清河

清淵

在今臨清州西南應邵曰清河在西北水經注白溝水歷縣之西北為清淵

魏

在今大名府城南十里太平寰宇記魏州魏縣也應邵曰魏武侯別都水經注城內有武侯臺

都尉治莽曰魏城亭

繁陽

在今大名府南樂縣西北三十里通典後漢書注並云故城在內黃縣東北括地志東北二十七里應邵曰在繁水之陽張晏曰其地為繁淵水經注春秋盟于澶淵即繁淵也今南樂縣西北三十五里有繁水澶淵在開

州南

元城

在今大名府城東十里太平寰宇記今魏州縣也應邵曰魏武侯公子元食采于此因而氏焉

梁期

在今臨漳縣東北二十里孟康曰在鄴西四十里十三  
州志云在鄴北五十里不同張晏項羽本紀注作梁淇  
黎陽

在今衛輝府濬縣西三里太平寰宇記今黎陽縣也晉  
灼曰黎山在其南河水經其東其山上碑云取山之名  
水之陽以氏縣

莽曰黎蒸

卽裴

在今廣平府肥鄉縣南三里應邵曰列人縣西南六十  
里有卽裴縣劉德曰在肥鄉縣南五里應邵讀裴爲非  
說文解字作擗裴

侯國

武帝征和元年封趙敬肅王子道

莽曰卽是

武始

在今彰德府武安縣南括地志故城在武始縣

漳水東至邯鄲入漳

此當作滏水也水經注漳水又北滏水入焉水發原石

鼓山南巖下泉奮涌滾滾如湯東流注于漳今石鼓山

在武安縣南二十里一名滏山也段氏玉裁曰漳當作滏今滏水北流入於

滏又有拘澗水東南至邯鄲入白渠

又有拘澗水東南至邯鄲入白渠

水經注白渠水逕邯鄲縣南又東與拘澗水合水道原  
武始東山白渠北俗謂水爲拘河應邵讀拘爲矩今邯  
鄲縣東有西河其故瀆也

邯會

在今臨漳縣西七十里括地志伯陽故城一名邯會城  
在鄴縣西五十里史記樂毅以趙師伐魏伯陽是六國  
時爲伯陽漢爲邯會也張晏曰漳水之別自城西南與  
邯山之水會今城旁猶有溝渠存

侯國

武帝元朔二年封趙敬肅王子仁

陰安

在今大名府清豐縣北十五里括地志故城在頓邱縣  
北六十里

平恩

在今廣平府曲周縣東廢爲平恩鎮太平寰宇記今洛  
州縣也應邵曰縣故館陶之別鄉

侯國

宣帝地節三年封許廣漢

莽曰延平

邯溝

在今廣平府肥鄉縣西北七里應邵曰邯水之溝縣在  
卽裴西北十二里錢氏大昕曰王子侯表作邯溝

侯國

宣帝地節三年封趙頃王子偃

武安

在今武安縣西南五十里括地志故城在武安縣西南  
七里元和郡縣志五里

欽口山白渠水所出東至列人入漳

水經注白渠水出武安縣欽口山東南流逕邯鄲縣南

至列人入漳

又有寢水東北至東昌入虓洹河

說文解字作澠水在今武安縣東三十里下流合滏水  
滏水所行皆澠水也東北逕磁州南邯鄲縣東南廣平

府城東南肥鄉縣北曲周縣東南平鄉縣東鉅鹿縣西

下流入北泊

過郡五行六百一十里

過魏趙廣平鉅鹿信都五郡

有鐵官莽曰桓安

鉅鹿郡秦置

始皇二十五年置也

屬冀州戶十五萬五千九百五十一口八十二萬七千一  
百七十七縣二十

鉅鹿

今順德府平鄉縣括地志平鄉縣城本鉅鹿也

閻氏若  
據曰秦

漢鉅鹿郡皆治鉅鹿縣

禹貢大陸澤在北

在今順德府鉅鹿縣北五里元和郡縣志在鉅鹿縣西北五十里呂氏春秋九藪趙之鉅鹿高誘注云廣阿澤也鄭志荅張逸云今名廣河澤耳郭璞爾雅注亦云廣河阿字通隨圖經大陸大鹿大河一澤異名攷郡國志亦曰大鹿鉅大廣義同鹿陸字通也古澤在今縣北今則在新河甯晉二縣之交俗稱之曰北泊河亦曰胡蘆河

紂所作沙邱臺在東北七十里

在今平鄉縣東北二十里括地志元和郡縣志並云在

平鄉縣東北二十里何氏焯曰沙邱臺疑卽書鹿臺

南嶽

今鉅鹿縣太平寰宇記故城在平鄉縣蘇林音手足躡躡之孿孟康音良全反

莽曰富平

廣阿

在今趙州隆平縣東十里後漢書注故城在象城縣西北元和郡縣志在昭慶縣東二十五里以近大陸澤得名

象氏

在今趙州臨城縣東太平寰宇記故城在昭慶縣西北



三十里

侯國

武帝元朔三年封趙敬肅王子賀

莽曰甯昌

廩陶

在今趙州甯晉縣南三十里後漢書注故城在廩陶縣

西南太平寰宇記在甯晉縣南二十九里

宋子

在今趙州東北二十里通典後漢書注並云故城在平

棘縣北史記正義北三十里

莽曰宜子

楊氏

今甯晉縣太平寰宇記甯晉縣漢楊氏縣也

莽曰功陸

臨平

在今真定府晉州東南通典後漢書注太平寰宇記並

云故城在鼓城縣東南

下曲陽

在今晉州西通典括地志太平寰宇記並云故城在鼓

城縣西五里十三州志中山有上曲陽故云下東觀漢

紀王莽分鉅鹿爲和成郡居下曲陽

都尉治

貫

在今保定府束鹿縣西南通典故城在鹿城縣西南

鄆

在今束鹿縣東通典故後漢書注並云在鹿城縣東說文

解字作鄆應邵曰縣北有鄆亭

段氏玉裁曰鄆與豫章鄆陽縣字不同玉篇廣

韻可證眞定國綿曼下斯洩水東至鄆入河則字從俗體不得以彼正此盧氏文弼曰仲尼弟子鄆單鄆當本

作鄆檀弓縣直即鄆字

莽曰秦聚

新市

今冀州新河縣地與中山國之新市異也表屬堂陽應是分堂陽縣置

侯國

昭帝元鳳五年封廣川繆王子吉

莽曰樂市

松按今志作市樂此依水經注改也段校同王校亦同

堂陽

在今冀州南宮縣西北二十五里元和郡縣志堂陽縣

漢舊縣也後漢書注故城在鹿城縣西南應邵曰在堂

水之陽水經注長蘆水逕堂陽縣故城南今縣故城南

更無別水惟是水東出可以當之蓋包堂水之稱矣

有鹽官常分爲經縣

元和郡縣志後漢分漢堂陽于今縣西北二十里置經

城縣是分經縣在後漢時也今經城在威縣北此五字不似本文疑後人以注語溷入

安定

在今深州西元和郡縣志鹿城縣本安定縣地

侯國

宣帝本始元年封燕王旦子賢

敬武

在今晉州西南十三州志在楊氏縣北四十里

歷鄉

今甯晉縣東有瀝城即此水經注百尺溝水逕歷鄉東入泝湖

侯國

宣帝神雀四年封廣川繆王子必勝

莽曰歷聚

樂信

水經注白渠水逕安鄉縣故城南又東逕樂信縣故城南則亦在今東鹿縣北也

侯國

宣帝神雀三年封廣川繆王子強

武陶

侯國

宣帝五鳳元年封廣川繆王子朝

柏鄉

在今順德府唐山縣東北二十二里太平寰宇記故城在堯山縣東北二十二里

侯國

元帝竟甯元年封趙哀王子買

安鄉

在今真定府無極縣南六里

侯國

元帝竟甯元年封趙哀王子喜

常山郡

張晏曰恒山在西辟文帝諱改日常山

高帝置

三年置也

錢氏大昕曰項羽封張耳為常山王都襄國是常山之名不始于高帝蓋趙歇既滅遂因為郡耳高帝紀稱常山二十五城志止十八縣蓋後來稍分析之襄國本王都所在而志隸趙國亦一證也

莽曰井關屬冀州戶十四萬一千七百四十一口六十七

萬七千九百五十六縣十八

元氏

在今真定府元氏縣西北二十里後漢書注今趙州縣也太平寰宇記鎮州縣也元和郡縣志故城在今縣西北十五里

沮水首受中邱西山窮泉谷東至堂陽入黃河

黃字誤應作入章河郭璞山海經注云泝水出常山中

邱縣據之則此亦名泚水也今水出內邱縣西山逕唐山南和二縣境北入胡蘆河與下洩濟二水所并之泚水異段氏玉裁曰沮是泚之誤山海經注可證入黃河趙云當作入橫河即橫漳也代郡鹵城下有從河此橫從之橫又曰今泚水在元氏縣源出封龍山東南流經縣西南六十里紙屯村入槐河王氏念孫曰沮當為泚下文濟水東至慶陶入泚風俗通義亦訛作入沮是也黃河亦漳河之訛漢之堂陽即今之新河乃漳水所經非河水所經松按胡蘆河即泚之下游故古謂之泚湖是此縣之泚正洩濟所并之水錢氏岐而二之非也蓋洩濟所并為南泚別有一小水曰北泚錢氏或以此條指小水之北泚故云異耳然非班氏之旨

莽曰井關亭

石邑

在今真定府獲鹿縣北八里通典太平寰宇記並云故城在石邑縣北括地志在鹿泉縣南三十五里路溫舒

傳云溫舒為山邑丞蘇林曰縣在常山疑即此也

段氏玉裁

曰石邑縣言井陘山在西井陘縣下應邵注云井陘山在南是則井陘縣在石邑之西井陘山在石邑西南井陘縣南也井陘山之東南則石邑地也

井陘山在西洩水所出東南至慶陶入泚

泚徐廣音遲蘇林音祇晉灼音邸水經注陽縻淵水左納白渠枝水俗謂之泚水今出元氏縣西山逕高邑樂城二縣至甯晉縣南入胡蘆河者是也井陘山在今井陘縣北五十里今洩水原出獲鹿縣西南蓮花山逕樂城縣北趙州南入于胡蘆河

桑中

松按一統志桑中故城在正定府平山縣東南

侯國

宣帝地節三年封趙頃王子廣漢

靈壽

在今真定府靈壽縣西北後漢書注太平寰宇記並云故城在今縣西北

中山桓公居此

世本中山武公居顧桓公徙靈壽顧卽鼓也十三州志中山桓公新都

禹貢衛水出東北東入虘池

衛水在今縣東十里俗呼之曰雷溝河原出縣東北十四里良同邨南流逕縣城東入虘池

蒲吾

在今真定府平山縣東二十里後漢書注故城在靈壽縣南括地志元和郡縣志並云在房山縣東二十里史記六國表作鄗吾趙世家作番吾徐廣云番音盤

有鐵山大白渠水首受縣蔓水東南至下曲陽入斯浚水經注縣蔓水又東逕烏子堰枝津出焉又東謂之大白渠東逕關縣故城北宋子縣故城北敬武縣故城北又東曰斯浚水則卽浚水也

上曲陽

今定州曲陽縣松按一統志上曲陽故城在曲陽縣西

恒山北谷在西北

山在今曲陽縣西北一百四十里括地志在恒陽縣西

北百四十里道書福地記恒山高三千三百丈上方二

十里有太元之泉神艸十九種可度俗段氏玉裁曰北

氏念孫曰義門讀書記謂北谷即飛狐口按飛狐口無

北谷之名北谷疑當作代谷史記正義引地道記云恒

山在上曲陽縣西北四十里北行四百五十里得恒

山峻號飛狐口北則代郡也水經注引梅福上事曰代

谷者恒山在其南北塞在其北蓋恒山與代谷相連故

並及之松按郊祀志神爵元年祠北嶽常山於上曲陽

則作恒山北嶽者是若作

代谷下文不得云有祠也

有祠

宣帝置

并州山禹貢恒水所出東入滹

水經滹水東南過上曲陽縣北恒水從西來注之注自

下恒滹通稱焉隋書地理志縣有恒陽谿恒水原也然

此恒水即謂滹水耳今水在縣東北

莽曰常山亭

九門

在今真定府藁城縣西北二十五里太平寰宇記鎮州

縣也趙武靈王始置此

莽曰久門

井陘

今真定府井陘縣松按一統志太平寰宇記鎮州縣也

在井陘縣北廣武君曰井陘之道車不得方軌騎不得成列因井陘

山在縣南故縣氏焉服虔曰因山為縣史記正義山在

縣東南十八里應邵讀陘為刑

房子

在今趙州高邑縣西南十五里後漢書注今趙州縣也  
元和郡縣志太平寰宇記並云故城在高邑縣西南十  
五里後漢書光武本紀作防子

贊皇山

山在今真定府贊皇縣西南二十里劉昭曰山在房子  
縣西南六十里

石濟水所出東至慶陶入泚

說文解字曰濟水今日白溝水亦曰沙河原出贊皇山  
東流至甯晉縣南入胡蘆河按此濟字應作濟沈州之

水古作沛今經史皆溷之矣王氏念孫曰濟上衍石字  
說文續漢書風俗通義皆

無石字段氏玉裁  
曰濟水即今槐水

莽曰多子

中邱

在今順德府內邱縣西後漢書注故城在內邱縣西太  
平寰宇記今內邱縣也十三州志山海經蓬山邱在其  
間故曰中邱北五十里齊故蓬山其故

逢山長谷

山在今內邱縣西北六十里俗稱之曰逢鵲山也

諸水所出東至張邑入濁

說文解字渚水出常山中邱逢山東入濁是諸濁二字



並非也邑字亦衍渚水今日礪水在內邱縣西北三十

里松按一統志引寰宇記作十三段氏玉裁曰張邑即廣平國之張也松按渚滿二字段校同

莽曰直聚

封斯

今元氏縣西北五十里有封龍山疑其地

侯國

武帝元光二年封趙敬肅王子胡傷

關

今真定府欒城縣

松按一統志故城在欒城縣北

通典故城在唐昌縣

西北元和郡縣志在平棘縣西北十五里太平寰宇記

魏于漢關縣故城置欒城縣

松按宋白曰欒城縣本漢開縣後魏太和十一年於

開縣故城置欒城縣則關當作開又按續漢書郡國志常山有欒城則謂置於後魏者亦非今一統志所引皆作關此條係據何義門批本疑開字有誤侯考

平棘

在今趙州南三里通典後漢書注元和郡縣志並云故

城在今縣南應邵曰即棘蒲非也棘蒲魏邑靳歙傳所

謂安陽以東至棘蒲者是平棘在安陽西數百里本趙

邑不得合而為一

鄆

在今趙州柏鄉縣北二十里後漢書注今高邑縣也元

和郡縣志故城在柏鄉縣北二十一里李奇讀羹臠之

臠王子侯作敵古字通

世祖卽位更名高邑莽曰禾成亭

禾亦作和莽有禾成郡故此縣曰亭也王氏念孫曰世祖以下八字非

班氏原文蓋應邵語也

樂陽

在今藁城縣西後漢書注故城在藁城縣西

侯國

宣帝地節三年封趙頃王子說

莽曰暢苗

一本作陽苗

平臺

在今順德府平鄉縣東北二十里史記秦本紀云沙邱

平臺是也

侯國

宣帝元康二年封史光

莽曰順臺

都鄉

侯國

宣帝甘露二年封趙頃王子景

有鐵官莽曰分鄉

南行唐

今真定府行唐縣松按一統志故城在行唐縣北後漢書注今恒州縣

也史記趙惠王所城卽此

牛飲山白陘谷

舊本作白陸谷從說文解字改之在今縣西北四十里

俗稱之曰箕山也

松按段校亦作白陘王校同

滋水所出東至新市入虘池

今水出行唐縣西北山中流逕縣南至深澤縣東北會

沙河而北入滹水

段氏玉裁曰新市故城在今正定府治西北四十里又曰滋河源出山西

五臺縣界東南流逕正定府靈壽縣北行唐縣南又東

歷正定藁城二縣北無極縣南又東北入定州深澤縣

都尉治莽曰延億

清河郡

以洪水氏也

高帝置莽曰平河屬冀州戶二十萬一千七百七十四口  
八十七萬五千四百二十二縣十四

清陽

在今廣平府清河縣東後漢書注故城在清河縣西北

括地志西北八里太平寰宇記在清陽縣東南二十五

里

閻氏若璩曰清陽縣

王都

景帝中三年封哀王乘為清河王都此

錢氏大昕曰漢志言王都者惟

清河之清陽信都之信都若秦山之盧則云濟北王都

江夏之邾則云衡山王吳芮都以郡與國不同名也廣

東武城

陵之廣陵則云江都易王非廣陵厲王胥皆都此此外

今臨清州武城縣後漢書注今貝州縣也水經注定襄有武城此加東按東海郡南城卽南武城也故此云東

釋幕

在今濟南府平原縣西北二十里太平寰宇記故城在平原縣西北三十里應邵讀繹爲亦

靈

在今東昌府博平縣東北三十里太平寰宇記故城在高唐縣西二十里

河水別出爲鳴犢河東北至菑入屯氏河

溝洫志元帝元光五年河決清河靈鳴犢口而屯氏河絕又云靈鳴犢口在清河東界按此言屯氏上流絕也

水經注云屯氏故瀆東北逕郟縣與鳴犢河合不至菑也鳴犢口在今高唐州南三十五里河決鳴犢至郟縣東出菑今河間府景州地與屯氏北瀆遠不得至菑也注說是

菑曰播亭

松按俗本播下奪亭字錢依水經注引補段校同

厝

在今東昌府清平縣西南後漢書注故城在清河縣西北太平寰宇記在清陽縣東南三十里

菑曰厝治

郟

在今東昌府高唐州東北通典故城在平原縣西南括

地志西南三十里蘇林音榆史記表作俞松按一統志言漢郿縣在

今平原縣西南與通典合錢氏謂在高唐州東北似誤高唐更在平原之東也

莽曰善陸

貝邱

在今清平縣西南十里元和郡縣志故城在臨清縣東

南五十里城內有邱高五丈周回六十八步城因此名

太平寰宇記作在臨清縣東南十五里者非

都尉治

信成

在今清河縣東南松按東南應從一統志作西北應邵曰甘陵西北五

十里有信成亭故縣也甘陵卽厓安帝更名

張甲河首受屯氏別河東北至蓊入漳水

水經注張甲故瀆又東北至蓊縣東會清河十三州志

曰張甲河東北至蓊縣入清漳也

愬題

在今冀州棗強縣南太平寰宇記故城在棗強縣界郡

國縣道記云在貝德冀三州之界愬古之愬字也讀若

瑣王氏引之曰愬當爲楚說文沙或作沁故涉从沙聲而或作愬今作愬者省也

東陽

今河間府故城縣地括地志故城在歷亭縣界元和郡

縣志在歷亭縣西十八里

侯國

宣帝本始四年封清河綱王子宏

莽曰胥陵

信鄉

今臨清州地應邵曰甘陵西北十七里有信鄉故縣也

表作新鄉古新信字通用

侯國

宣帝本始四年封清河綱王子豹

繚

在今冀州南宮縣東南三十里太平寰宇記故城在南

宮縣東南三十里

棗疆

在今冀州棗強縣西南十五里太平寰宇記故城在今

縣西南十五里應邵曰在東武城西北五十里

復陽

在今棗強縣西南十八里太平寰宇記故城在棗強縣

西南十八里應邵音腹云東武城西北三十里有復陽

亭故縣也

莽曰樂歲

涿郡高帝置

六年置

莽曰垣翰屬幽州戶十九萬五千六百七口七十八萬二

千六十四有鐵官

五行志涿郡鐵官鑄鐵銷皆飛上去

縣二十九

涿

今順天府涿州應邵曰涿水出上谷涿鹿縣以此氏也  
 攷上谷涿鹿今宣化府保安州也遠非是水經注桃水  
 東逕涿縣故城下與涿水合水出涿縣故城西南奇溝  
 東八里大坎下東逕桃仁虛又東北與樂堆泉合水出  
 堆東東南流注于涿水涿水又東北逕涿縣故城西注  
 于桃然則縣之得名以此水也州今無此水  
閻氏若璩曰涿郡治涿縣以酷吏傳知之

桃水首受涑水分東至安次入河

此河即拒馬河也水經巨馬河出代郡廣昌縣涑山東  
 過迺縣北容城縣北過勃海東平舒縣北入海注即涑  
 水也注又云聖水自涿縣東與桃水合水首受涑水東  
 逕迺縣北東注聖水聖水南流注拒馬河志不言聖水  
 所經流疑古桃聖互受同稱矣今聖水曰琉璃河原出  
 房山縣西北山中東南流逕良鄉縣西南又東南入拒  
 馬河段氏玉裁曰桃水經注譌作杭戴氏正之又曰水經注聖水涿縣王莽更名垣翰今漢書無此文松按莽曰垣翰在涿郡下段氏偶失檢

迺

在今保定府涑水縣北太平寰宇記廢涑水縣本漢迺

縣故城在易州北四十二里說文解字迺字亦作迺

莽曰迺屏

穀邱

在今深州安平縣西南十五里太平寰宇記故城在安平縣西南十五里

故安

今易州通典故城在易縣南後漢書注在東南太平寰

宇記在東南百步段氏玉裁曰戰國時燕與趙易土燕

曰武水故地名武陽

閻鄉易水所出東至范陽入濡也并州浸

水經注有二易水俱出閻鄉云北易入濡南易入涑今

北易水原出易州西山龍華店二原東北流而合又東

與濡水會易水亦曰武水也王氏念孫曰也字涉注文

濡需聲人朱切與遼西郡肥如下之濡水異遼西之水應作溷溷聲乃官切從來需溷溷誤

水亦至范陽入涑

水經注易水逕范陽縣南又東與濡水合水出故安縣

西北窮獨山南谷東流于容城縣西北合易水而注拒

馬河今水出易州西北窮獨山又東出山逕州城西南

又東南至定興縣西南而與涑水會又東南至新城縣

南而合于拒馬河俗通名之曰白溝水也王氏念孫曰

此承上文而言言易水至范陽入濡濡水亦至范陽入涑也說文曰濡水出涿郡故安東入涑水經易水注曰

濡水東南合易水而注巨馬水又巨馬河注曰巨馬河即涑水也此易入濡濡入涑之明證段氏玉裁曰北易



水東南入定興  
縣界爲沙河

南深澤

志中山國有深澤縣郡國志安平國有南深澤縣云故屬涿中山國無之攷元和郡縣志深澤縣本漢南深澤縣也以涿郡有深澤縣故此加南以別之屬中山國似志于涿郡之縣本無南字矣按其地中山國在涿郡之南是郡縣志之說是也此疑爲後人所譌亂但中山之深澤今爲定州深澤縣地而涿郡之深澤志地里者皆未及言攷王莽以容城縣改稱深澤容城今容城縣或涿郡深澤卽爲此縣之地未可知矣王子侯表有桑邱侯劉將夜索隱曰表在深澤括地志桑邱在易州遂城

縣界遂成今安肅縣也與容城縣東西相及以此證之

洵無譌焉

錢氏大昕曰據元和志是中山之深澤有南字涿郡之深澤無南字與今本互異以里望準之中山實在涿郡之南然續漢志於安平國之南深澤亦云故屬涿似今元本不誤

范陽

在今易州東南六十五里後漢書注故城在易縣東南元和郡縣志東南六十五里應邵曰在范水之陽水經注范水卽易水也

莽曰順陰

蠡吾

在今保定府博野縣西通典後漢書注並云故城在博野縣西應邵曰縣故饒陽之下鄉也趙廣漢傳云縣故

志卷第廿

三

801

屬河間

容城

今保定府容城縣後漢書注故城在迺縣太平寰宇記

容城縣也

莽曰深澤

易

今保定府雄縣攷漢易縣今雄縣也隋所置縣則今州

是表有翁侯史記作易聲相近通用

廣望

在今保定府城西南五十里太平寰宇記故城在清苑

縣西南五十里史記表作望廣

侯國

武帝元朔二年封中山靖王子忠

鄭

在今河間府任邱縣北三十五里後漢書注今瀛州縣

也太平寰宇記廢城在今縣東北三里應邵音莫

莽曰言符

高陽

在今保定府高陽縣東南七十里太平寰宇記瀛州縣

也應邵曰在高河之陽

莽曰高亭

州鄉

今河間府東四十里太平寰宇記今河間縣東

在今河間府城東北四十里太平寰宇記今河間縣東  
北四十里卽州鄉故城後漢并入武垣

侯國

武帝元朔二年封河間獻王子禁

安平

在今深州安平縣西太平寰宇記深州縣也

都尉治莽曰廣望亭

樊輿

在今保定府城東南三十里太平寰宇記故城在清苑

縣東南三十五里應邵曰北新成東二十里爲樊輿縣

侯國

武帝元朔五年封中山靖王子脩

莽曰握符

成

侯國

昭帝元鳳五年封中山康王子喜

莽曰宜家

良鄉

今順天府良鄉縣太平寰宇記幽州縣也表作梁鄉水

經注縣有梁山高粱水出焉梁良古字同用

侯國

成帝綏和元年封趙共王子交

垣水東南至陽鄉入桃

水經注垣水上承涿水逕涿縣北注于桃今日胡良河

出房山縣西南大安山至涿州北入拒馬河

松按東南俗本作南

東錢氏校改段校同王校亦同

莽曰廣陽

利鄉

表屬常山

侯國

宣帝甘露元年封中山頃王子安

莽曰章符

臨鄉

在今順天府固安縣南五十里太平寰宇記故城在固安縣南五十里應邵曰在方城南十里

侯國

元帝初元五年封廣陽頃王子雲

益昌

今順天府永清縣太平寰宇記故城在固安縣東五十里應邵曰在方城東八十里

侯國

元帝初元五年封廣陽頃王子嬰

莽曰有秩

秩即表字水經注作秩

陽鄉

在今固安縣西北二十五里後漢書注故城在固安縣西北太平寰宇記西北二十七里應邵曰以涿縣東五十里陽亭置

侯國

元帝初元五年封廣陽頃王子發

莽曰章武

西鄉

在今涿州西北二十里亦曰都鄉也太平寰宇記故城在范陽縣西北二十里

侯國

元帝初元五年封廣陽頃王子容

莽曰移風

饒陽

在今深州饒陽縣東北二十里後漢書注故城在饒陽縣東北括地志太平寰宇記並云東北二十里應邵曰在饒河之陽今水在縣西南三十里

中水

在今河間府獻縣西北三十里通典後漢書注並云故城在樂壽縣西北太平寰宇記西北三十里應邵曰在滹易二水之間故曰中水

武垣

在今河間府城西南四十里括地志今瀛州城是也太平寰宇記今河間縣也

莽曰垣翰亭

阿陵

在今河間府任邱縣東北二十里太平寰宇記故城在任邱縣北二十里

莽曰阿陸

阿武

在今獻縣西北四十里太平寰宇記故城在樂壽縣西北三十九里

侯國

武帝元朔二年封河間獻王子豫

高郭

在今任邱縣西北廢鄭州西南二十六里太平寰宇記故城在鄭縣西南二十六里

侯國

宣帝地節三年封河間獻王子曠

莽曰廣隄

新昌

在今固安縣南三十里太平寰宇記故城在固安縣南三十里

侯國

宣帝地節四年封燕刺王子慶

新斟注地里志卷弟七終

新斟注地里志卷弟八

嘉定錢坫著

大興徐松集釋

勃海郡

漢書音義曰海別枝也說文解字作郭解云海之別名也崔浩曰勃芴跌也芴跌者橫出濟北故齊都賦云海芴出爲勃名曰勃海郡

高帝置莽曰迎河

迎逆也古迎逆字同用

屬幽州戶二十五萬六千三百七十七口九十萬五千一百一十九縣二十六

浮陽

在今天津府滄州東後漢書注今清池縣也應邵曰浮

水所出入海今水在滄州南十里東北入海

閻氏若瓌曰勃海郡

陽信

莽曰浮城

在今武定府海豐縣東南括地志太平寰宇記並云在無棣縣東南三十里

東光

在今河間府東光縣東二十里後漢書注故城在東光縣南太平寰宇記在東二十里

有胡蘇亭

許商曰胡蘇河在此縣今滄州南有大連淀即胡蘇舊也

阜成

在今河間府阜成縣東二十里後漢書注今冀州縣也太平寰宇記故城在今縣東二十二里

莽曰吾城

千童

在今武定府樂陵縣東北後漢書注故城在樂陵縣東王子侯表作千重水經注作千鍾元和郡縣志秦始皇使徐福將童男女千人入海求蓬萊置此城以居之故名應邵曰明帝改曰饒安



重合

在今樂陵縣東後漢書注故城在樂陵縣東元和郡縣志東二百步

南皮

在今天津府南皮縣東北八里後漢書注今滄州縣也括地志故城在南皮縣北四里闕駟曰章武有北皮亭

此加南

莽曰迎河亭

定

在今天津府鹽山縣東南應邵曰饒安縣東南二十里定鄉城故縣也

侯國

武帝元朔四年封齊孝王子越

章武

在今鹽山縣西北括地志後漢書注並云魯城縣也太平寰宇記卽乾符縣在清池縣東南鹽山縣西北

有鹽官莽曰桓章

中邑

今滄州地太平寰宇記故城在清池縣

莽曰檢陰

高城

在今鹽山縣南四十里通典後漢書注並云故城在鹽

山縣南

都尉治

高樂

在今南皮縣東南三十里太平寰宇記故城在南皮縣東南三十里

莽曰為鄉

參戶

在今滄州西北元和郡縣志故城一名木門城在長蘆縣西北四十四里應邵曰在東平舒西南五十里

侯國

武帝元朔二年封河間獻王子免

成平

在今河間府獻縣東南八十里後漢書注故城在景城縣南太平寰宇記南二十里

虓池河民曰徒駭河

許商曰徒駭在成平攷此虓池別河也在今獻縣南

念孫曰民曰當為或曰之誤

莽曰澤亭

柳

在今鹽山縣東七十里太平寰宇記故城在鹽山縣東七十里應邵曰在高城縣東北五十里

侯國

武帝元朔四年封齊孝王子陽已

臨樂

在今南皮縣東太平寰宇記故城在臨津縣界

侯國

武帝元朔四年封中山靖王子光

莽曰樂亭

東平舒

今順天府大城縣太平寰宇記霸州縣也代郡有平舒

此加東

重平

在今濟南府德平縣西北三十里通典後漢書注並云

故城在德平縣西北太平寰宇記西北三十里應邵曰  
重合縣西南八十里重平鄉故縣也

安次

在今順天府東安縣西後漢書注故城在安次縣東

脩市

在今景州西松按一統志作  
在景州西北應邵讀脩為條云在脩縣

西北二十里

侯國

宣帝本始四年封清河剛王子寅

莽曰居甯

文安

在今順天府文安縣東北通典後漢書注並云故城在今縣東北太平寰宇記霸州縣也

景成

在今獻縣東九十里太平寰宇記清池縣西南二里有五壘城輿地志曰宣帝封河間獻王子雍為景成侯五子分居城中俗呼為五壘城

侯國

宣帝地節三年封河間獻王子雍

東州

在今河間府城北六十里太平寰宇記故城在東城縣東北四十里

建成

在今河間府景州東南太平寰宇記故城在景成縣東南三十里松按建成故城一統志云在交河縣東距景州尚遠

章鄉

今樂陵縣地十三州志饒安縣東南二十里有童鄉亭故縣也太平寰宇記童章字相類後漢并入饒安

侯國

平帝元始五年封謝殷

蒲領

在今阜成縣北三里太平寰宇記故城在阜成縣北三里後漢并脩應邵曰在脩縣西北八十里

侯國

昭帝始元六年封清河剛王子祿

平原郡高帝置

六年置也

莽曰河平屬青州戶十五萬四千三百八十七口六十六萬四千五百四十三縣十九

平原

在今濟南府平原縣南太平寰宇記德州縣也閻氏若璩曰平

原郡治平原縣

有篤馬河東北入海行五百六十里

水經注屯氏別出南瀆自平原城北首受大河故瀆東

出亦通謂之篤馬河在今平原縣南逕德平陽信海豐

東北入海松按入海下各本奪行字錢氏校補段校同王校同

鬲

在今濟南府德州東北通典太平寰宇記並云故城在

安德縣西北後漢書注在德州西北

平當以爲鬲津

哀帝時河隄使者也許商曰鬲津在鬲縣自鬲以北至徒駭相去二百里魏都賦注縣北有蓋節淵蓋節卽鬲津也

莽曰河平亭

高唐

在今濟南府禹城縣西南四十里後漢書注故城在祝  
阿縣西太平寰宇記在禹城縣南五十里杜預曰在祝  
阿縣北戰國策所謂天唐是也

桑欽言漯水所出

漯亦當爲濕水經注尋其沿厯逕趨不得近出高唐桑  
氏所言蓋津流所出次于是閒也俗以是水承于河謂  
之原河矣攷漯水至高唐縣西而與河合復出于河故  
桑欽言其所出也亦無所誤

重邱

在今濟南府德平縣西南五十里水經注篤馬河逕重  
邱縣故城西又逕西平昌縣故城北應邵曰安德縣北

五十里重邱鄉故縣也

平昌

在今德平縣西南三十里後漢書注今般縣也太平寰  
宇記故城在德平縣西南三十里水經注云北海有平  
昌此加西據之則應作西平昌也攷志平昌屬琅邪不  
屬北海錢氏大昕曰續漢志謂之西平昌以琅邪郡亦有平昌縣也

侯國

宣帝元康元年封王長君

羽

侯國

武帝元朔三年封濟北式王子成

莽曰羽貞

般

在今德平縣東北二十里後漢書注故城在平昌縣東  
太平寰宇記在德平縣東北二十五里九河有鉤盤河  
縣以此名也古字般盤通用如涓讀面般之般

莽曰分明

樂陵

在今武定府樂陵縣東通典後漢書注並云故城在樂  
陵縣東

都尉治莽曰美陽

祝阿

在今濟南府長清縣東北三十里後漢書注故城在山  
荏縣東北元和郡縣志在豐齊縣東北二里太平寰宇  
記在長清縣東北四十五里春秋時祝柯也水經注漢  
改爲阿

莽曰安成

瑗

在今濟南府禹城縣南一百里太平寰宇記故城在今  
禹城縣南一百里春秋傳哀公十年取犁及轅杜預曰  
濟北祝阿縣西北有援城古字瑗援轅三字互通也

莽曰東順亭

阿陽

在今禹城縣南五里太平寰宇記故城在禹城縣南七  
十里廢禹城縣西北五十里唐乾元中廢縣也應邵曰  
在漯陰縣東南五十里

漯陰

字亦作濕在今濟南府臨邑縣西十里後漢書注故城  
在臨邑縣西太平寰宇記西十里水經注以爲春秋之  
犁也後漢書濟北安王傳作隰陰

松按韓勅碑陰作濕陰

莽曰翼成

水經注河水自阿陽縣故城西逕漯陽縣北王莽之巨  
武也今志無此縣或脫誤與附存以俟攷一說漯陽在  
武定府城東南

枋

在今武定府商河縣西北太平寰宇記今滴河縣也應  
邵音力曰般縣東南六十里有枋鄉城故縣也服虔音  
勒史記齊悼惠王世家作勒

莽曰張鄉

富平

在今武定府陽信縣東南三十里後漢書注故城今厭  
次縣也括地志在陽信縣東南四十里太平寰宇記三  
十里

侯國

昭帝元鳳六年封張安世陳留風俗傳云陳留尉氏縣



安陵鄉故富平縣也水經注此乃安世所封矣安世子延壽嗣自以爲身無功德久居先人大國上書請減戶天子以爲有讓移封平原并食一邑戶口如故而稅減半應邵曰明帝更名厭次攷高祖時有功臣厭次侯爰類東方朔傳云平原厭次人是縣本名厭次因移封張延壽改名富平明帝復舊名耳

莽曰樂安亭

太平御覽引作樂陵亭

安惠

今濟南府陵縣太平寰宇記德州縣也惠古德字同用

合陽

在今冀州東太平寰宇記故城在信都縣東後漢并入扶柳

侯國

宣帝元康四年封梁喜

莽曰宜鄉

楊虛

在今東昌府茌平縣東表及水經注並作楊虛史記扁鵲傳作陽虛字通也舊本作樓虛非是

侯國

成帝永始四年封訾順

龍額

在今禹城縣東南二十五里太平寰宇記故城在禹城  
縣東南二十五里松按一統志言龍額在景州東三十里則去禹城遠

侯國

武帝後元元年封韓曾

莽曰清鄉

安

在今河間府吳橋縣西北太平寰宇記德州安陵縣東  
七里漢安縣故城也應邵曰在脩縣東四十里表作安  
陽

侯國

武帝元朔三年封濟北貞王子樂

千乘郡高帝置

六年置也

莽曰建信

後漢書崔駰傳崔篆為建新大尹新信字通也

屬青州戶十一萬六千七百二十七口四十九萬七百二  
十有鐵官鹽官均輸官縣十五

千乘

在今青州府高苑縣東北二十五里後漢書注故城在  
高苑縣北史記正義太平寰宇記並云北二十五里伏  
琛曰千乘城在齊城西北一百五十里隔會水即漯水  
之異名也閻氏若據曰千乘郡治千乘縣

有鐵官

東鄒

今武定府青城縣地水經注漯水逕鄒平縣北又東北逕東鄒城北

涇沃

字亦應為濕在今武定府蒲臺縣東太平寰宇記蒲臺縣也應邵曰千乘西北五十里有大河河北為涇沃縣

錢氏大昕曰濕當作濕音它合反

莽曰延亭

平安

當作安平在今青州府博興縣南後漢書注安平故城

侯國

在博昌縣南應邵曰在博昌縣西南十三里

元帝初元元年封王舜為安平侯按表傳並作安平惟史記將相名臣年表有平安侯王章為右將軍章即舜之子耳亦誤又菑川有東安平因此安平而加東字是作安平者為正

莽曰鴻睦

博昌

在今博興縣東二十五里太平寰宇記博興縣本漢博昌縣應邵曰昌水出東萊昌陽臣瓚曰從東萊至博昌經歷宿水不得至也關駟曰縣處執平故曰博昌攷說

皆非也郡國志縣有薄姑城古字博薄同聲通用加美名曰昌故曰博昌耳薄姑在今縣東北六十里閻氏若璩曰漢

博昌故城在今博興縣南二十里

時水東北至鉅定入馬車瀆幽州瀋

水經注時水即如水自西安石洋堰分爲二水枝津西

北至梁鄒入濟又云時水于博昌合繩水自下通謂之

繩水故曰時繩之水馬車瀆今日清水泊時水今日烏

河逕高苑縣東入小清河下流逕清水泊之北入于海

段氏玉裁曰時水有作博水者誤錢氏大昕曰時水職方氏幽州其浸蓄時是也

蓼城

都尉治莽曰施武

建信

在今高苑縣西北應邵曰臨濟縣西北五十里有建信

城故縣也

狄

在今高苑縣北二里史記正義故城在高苑縣西北二

里應邵曰安常更名臨濟

莽曰利居

琅槐

在今青州府樂安縣東北一百里應邵曰在博昌縣東

北八十里

樂安

在今樂安縣北後漢書注故城在博昌縣東應邵曰取  
休令之名矣

被陽

在今高苑縣西南通典後漢書注並云故城在高苑縣  
西南太平寰宇記西南八十步史記表作披蕭該音披  
為皮如淳作疲音罷軍之罷

侯國

武帝元朔四年封齊孝王子燕

高昌

在今樂安縣西北水經注濟水又東北逕高昌縣西又  
逕樂安縣南

繁安

侯國

武帝元朔四年封齊孝王子忠

莽曰瓦亭

高宛

在今濟南府新城縣東太平寰宇記故城在長山縣北  
二十四里史記表作苑閻氏若據曰元和志淄州高宛  
縣本漢舊縣漢千乘國故城在  
縣北二十五里是  
千乘郡治高宛縣

莽曰常鄉

延鄉

今新城縣地水經注蓋野溝水道原延鄉城東北平地

西北流逕高宛縣北注時水地形志濕沃縣有延鄉城  
涕南郡故齊

高祖六年封子肥為齊王

文帝十六年別為濟南國

封悼惠王子辟光

景帝三年為郡

本作二年非也辟光立十一年以謀反誅乃三年耳

王校同

莽曰樂安屬青州戶十四萬七百六十一口六十四萬二  
千八百八十四縣十四

東平陵

在今濟南府城東八十里後漢書注故城在濟州東太  
平寰宇記在歷城縣東十五里故譚國杜預曰在縣西  
南水經注故陵城也後乃加東閻氏若璩曰沛南  
郡治東平陵縣  
有工官鐵官

鄒平

今濟南府鄒平縣水經注故鄒侯國舜後姚姓日知錄  
後人讀  
漢書誤從鄒字絕句因以鄒為一縣平臺  
為一縣齊乘遂謂漢沛南郡有鄒縣誤矣

臺

在今濟南府城東北十三里松按一統志  
作三十里通典故城在

全節縣北後漢書注在平陵縣北太平寰宇記在歷城

縣北十三里日知錄功臣表有臺定侯戴野梁  
鄒孝侯武虎是二縣並為侯國

莽曰臺治

梁鄒

在今鄒平縣北四十里孫家領是魯詩傳古有梁鄒者天子之田也依義則此鄒應為騶字

土鼓

在今濟南府淄川縣西五十里

於陵

在今濟南府長山縣西南二十里後漢書注故城在長

山縣南太平寰宇記縣南二十五里

都尉治莽曰於陸

日知錄涉南太守治東平陵而都尉治於陵者以長白山也魏書辛子頊傳云長白山連接三齊瑕邱數州之

界多有盜賊又隋大業九年齊人孟讓王薄等衆十餘萬據長白山攻剽諸郡觀此二事知漢人立都尉治於陵之意矣

陽邱

在今濟南府章邱縣東南三十里太平寰宇記故城在

章邱縣東南十里

般陽

今濟南府淄川縣太平寰宇記淄川縣本漢般陽縣也

應邵曰在般水之陽水經注水出縣東南龍山俗謂之

左阜水今日頭河北流入小清河

莽曰濟南亭

營

在今章邱縣西北二十五里應邵讀為姦王子侯表有  
管共侯劉罷軍卽此縣字通用

朝陽

在今章邱縣西北五里後漢書注故城在臨濟縣東太  
平寰宇記東四十里東朝陽也應邵曰在朝水之陽南  
陽有朝陽故加東案朝水卽漯水也錢氏大昕曰續志謂之東朝陽以南

陽郡亦有朝陽縣也

侯國

宣帝本始元年封廣陵厲王子聖

莽曰脩治

歷城

今濟南府歷城縣後漢書注今齊州縣也

閻氏若璩曰元和志漢景

帝二年以前沛南郡爲國時理歷城縣是縣曾爲治

有鐵官

獠

今章邱縣地蘇林曰東朝陽有獠亭應邵音箎蘇林音  
爻蔡謨音由音鴉如應音則虎字之誤也如蘇蔡音則  
虺字之誤也古無獠字錢氏大昕曰爻由聲相近

侯國

武帝征和元年封趙敬肅王子起義見沛郡汶縣下

莽曰利成

著



在今濟南府濟陽縣西南韋昭作著龜之著

宜成

王子侯表屬平原功臣表屬濟南南字誤亦當是濟陽

縣西北地

侯國

昭帝元鳳元年封燕倉

泰山郡高帝置屬兗州戶十七萬二千八十六口七十二

萬六千六百四有工官汶水出萊蕪西入濟

此八字疑後人所加

縣二十四

奉高

在今泰安府城東

閻氏玉璩曰泰山郡治奉高縣

有明堂在西南四里武帝元封二年造

郊祀志初天子封泰山山東北址古時有明堂處處

險不做上欲治明堂奉高未曉其制度濟南人公玉

帶上黃帝時明堂圖明堂中有一殿四面無壁以茅蓋

通水水圍宮垣為復道上有樓從西南入名曰昆侖天

子從之入以拜祀上帝焉于是上令奉高作明堂汶上

如帶圖

有工官

博

在今泰安府城東南三十里後漢書注博今博城縣按

縣于楚漢之間曰博陽項羽封田安為濟北王都博陽此縣也漢始亦曰博城呂后封郎中令馮無擇為博城侯此縣也括地志博城縣本漢博城縣城

有泰山廟

宣帝置在今府城西隅

岱山在西北

岱即泰字古通用山在今府城北五里道書福地記泰山高四千九百丈二尺

兗州山

本作求山上字之誤也今改正

荏

在今濟南府長清縣西北四十里太平寰宇記故城在長清縣西北四十里應邵曰荏山在東北

盧

在今長清縣西南二十里通典長清漢盧縣地後漢書注今濟州縣太平寰宇記故城在長清縣南十五里

都尉治沛北王都也

淮南王長子勃所封本傳云國除為北安縣屬泰山郡是始名北安後改名盧也史無可攷之時矣

肥成

今泰安府肥成縣通典後漢書注太平寰宇記並云故城在平陰縣東南應邵曰肥子國

蛇邱

在今肥成縣南鄭德讀蛇為移

隧鄉古隧國春秋曰齊人殲于隧也

春秋作遂史記郡國志並同杜預曰在縣東北京相璠

曰城上有魯囿遂在東北十里

剛

在今兗州府甯陽縣東北三十五里括地志故城在龔

邱縣界後漢書注太平寰宇記並云在縣東北

故闢

應邵曰春秋齊取鄆及闢今闢亭是也京相璠曰縣西

四十里有闢亭

莽曰柔

柴

在今泰安府城南

蓋

在今沂州府沂水縣西北七十里後漢書注故城在沂

水縣西北太平寰宇記西北八十里孟子有蓋大夫又

云蓋祿皆此地也

臨樂子山洙水所出西北至蓋入池水

說文解字洙水出蓋臨樂山北入泗水經洙水出蓋縣

臨樂山西南至卞縣入于泗注云或作池水字誤也按

水經注引此只作臨樂山無于字當衍至蓋入池水應

作至卞入泗水亦字譌耳今水湮歿無攷段氏玉裁曰于趙所據本

作子云水經注無子字又曰臨樂于山者謂勃海郡臨樂之干山沂其源而言故下文云至蓋非謂洙出蓋松按段說非漢時河由千乘入海臨樂之水何由至蓋且當言東北也王氏念孫曰臨樂山在今沂州府蒙陰縣東北水經云洙水出泰山蓋縣臨樂山而注又云或云沂水出臨樂山是洙水沂水同出臨樂山故志云又沂水南至下邳入泗也卞縣有泗水蓋縣無泗水卞縣故城在今兗州府泗水縣東故云洙水至卞入泗水今之洙水乃在曲阜縣北上源既不遠下流又入沂不入泗與漢志水經故道迥殊矣

又沂水南至下邳入泗

水經沂水出蓋縣艾山南過下邳縣西南入于泗注鄭康成云出沂山按古沂艾字聲相同通稱之也今水出沂水縣西北沂山東南流逕縣城西會東汶水逕沂州府城北會祊河水逕郟城縣西邳州南又西南入蓮河

過郡五行六百里青州濰

過泰山城陽琅邪東海四郡五字誤

梁父

在今泰安府新泰縣西四十里通典後漢書注太平寰宇記並云故城在泗水縣北開山圖泰山在左亢父在右亢父知生梁父主死是縣以山氏也今山在府城東南一百里

東平陽

今新泰縣太平寰宇記新泰縣漢東平陽縣也水經注河東有平陽此加東按此因山陽南平陽而加東也

南武陽

在今沂州府費縣西松按一統志作西北七十里通典後漢書注並

云故城在費縣西應邵曰武水所出南入泗水經注以

爲卽治水也松按東郡有東武陽故加南

寇石山治水所出南至下邳入泗

水經注治水出寇石山東南逕費縣南注于沂與此不

同也似卽今之涑河涑河出今費縣南東流逕沂州府

城西北又逕郟城縣西至邳州與沂水會松按一統志治水卽今小沂水皆入于沂

過郡二行九百四十里

過泰山東海二郡自南武陽至下邳無九百四十里當

有誤字

莽曰桓宣

萊蕪

在今青州府城西南後漢書注故城在淄川縣東南元

和郡縣志東南六十里

原山淄水所出東至博昌入泲幽州濶

今水出淄川縣西南原山分水嶺俗名馬耳山亦曰岳

陽山東流逕青石關東北遠堯山之禁又北逕臨淄縣

東樂安縣東南入清水泊卽鉅定也括地志俗傳禹理

水功畢土石黑數里之中波若漆故謂之淄水淮南子

云淄出日館山博異名也水經注引此作入海按淄不

入濟自誤閻氏若璩曰淄水出顏神鎮東南二十五里岳陽山東麓東北流逕萊蕪谷漢志亦未合

東北逕樂安縣東又北入巨淀又北出注馬車瀆合時水入海蓋漢時留入沛入沛旋復入海在琅槐縣去今樂安縣五十里也

又禹貢汶水出西南入沛汶水桑欽所言

水經汶水出萊蕪縣原山西南至安民亭入于濟安民

亭今東平州之安山鎮也今水出原山西南流逕萊蕪

縣西北有牟汶水合羸汶水東來注之又逕泰安府城

南合北汶水又有小汶水東南來注之曰大汶水西流

逕甯陽縣北又西南逕汶上縣西南至南旺松按當作

汶上縣北之戴村壩又分流南北以濟運松按南流者

經汶上之西南至南旺沛北流者六分以接臨清舊西會濟水自明永樂九年尚書宋禮用

白英言以南旺當水脊建牖分而汶水為運河之原下

流遂與古異段氏玉裁曰原山在今萊蕪縣東北七十里松按一統志引齊乘云齊有三汶入沛

之汶見禹貢入濰之汶見漢書入沂之汶見水經又按

此處出萊蕪者入沛之汶也琅邪郡下出朱虛東泰山

者入濰之汶也

鉅平 在今泰安府城西南

有亭亭山祠

山在今府城南五十里括地志在博城縣西南三十里

應邵曰山在縣北十餘里郡國志謂之亭禪山

羸

在今泰安府萊蕪縣西北括地志後漢書注並云故城

在博城縣東北

有鐵官

元和郡縣志韶山在萊蕪縣西北二十里其山出鐵漢置鐵官至今鼓鑄不絕

牟

在今萊蕪縣西南

故國

應邵曰魯附庸也

蒙陰

今沂州府蒙陰縣通典後漢書注並云故城在新泰縣

東南

禹貢蒙山在西南有祠

山在今蒙陰縣西南三十里

顓臾國在蒙山下

國在今縣西南十里

莽曰蒙恩

華

在今沂州府費縣東北後漢書注故城在費縣東北

莽曰翼陰

寧陽

在今兗州府寧陽縣南二十里後漢書注故城在龔邱縣南元和郡縣志十七里夏侯勝傳作寧鄉屬大河郡

侯國

武帝元朔二年封魯恭王子恬

莽曰寧順

乘邱

在今寧陽縣西南水經注洸水逕寧陽縣故城西又西南逕乘邱縣故城東

富陽

水經注泌水逕富成縣故城西注于汶汶水又西南逕桃鄉縣故城西富成東平國縣疑與富陽近也當在今肥城縣南

桃山

杜預曰魯國卞縣東南有桃墟疑卽此也當在今泗水

費二縣之交

侯國

成帝永始四年封城陽孝王子欽

莽曰褒魯

段氏玉裁曰褒各本作哀趙所見作襄皆誤外戚恩澤侯有褒魯節侯公子寬

桃鄉

在今兗州府汶上縣東北四十里後漢書注故城在龔邱縣西北儒林傳王式東平新桃人疑卽此

侯國

成帝鴻嘉二年封東平思王子宣

莽曰鄣亭



式

齊郡秦置

始皇二十六年置

莽曰沛南屬青州戶十五萬四千八百二十六口五十五萬四千四百四十四縣十二

臨淄

今青州府臨淄縣

松按一統志云在今縣北八里

後漢書注今青州縣

元和郡縣志今縣理即古臨淄城也

閻氏若璩曰齊郡治臨淄以齊悼惠

王子及主父偃傳知之又曰秦時亦治臨淄

師尚父所封如水西北至梁鄒入沛

水經時水上承濟渠東至臨淄縣東入于沂注時即形

水春秋齊晉盟于形者也京相璠曰今臨淄唯有濇水西北入濟即地里志之如水矣據之則即時水枝津也時不能入沂經云誤耳此與千乘郡入馬車瀆之水水經注釋為一也

有服官鐵官莽曰齊陵

昌國

在今濟南府淄川縣東北四十里

松按一統志史記正作三十五里

義故城在淄川縣東北四十里

德會水西北至西安入如

水經注水出縣黃山時水至西安城西南分為二水枝津別出西流德會水注之

利

在今青州府博興縣東南四十里晏謨曰在齊城北五十里

莽曰利治

西安

在今臨淄縣西三十里後漢書注故城在臨淄縣西北水經注本渠邱齊大夫雍廩之邑

莽曰東寧

鉅定

在今青州府樂安縣東北定讀如殿今俗或為淀為澱皆即定字也段氏玉裁曰今樂安縣東北四十里清水泊即古鉅定湖縣以水名也錢氏大昕曰

水經注作巨淀定有澱音語之轉也後人又加水旁

馬車瀆水首受鉅定東北至琅槐入海

服虔曰馬車瀆地名近東海水經注瀆水今淄水也今

淄水在樂安縣東南入清水泊即馬車瀆俗亦稱之曰

高家港也泊東西五十里南北三十里

廣

在今青州府城西南四里太平寰宇記益都縣本漢廣

縣地

為山

說文解字作媯山水經注云冶領山今日九扈山在府城西二十五里

濁水所出東北至廣饒入鉅定

水經注巨定即濁水所注也呂忱曰一名溷水亦或名之為澠水今日北陽水也逕府城北東北流逕壽光縣西至樂安縣東南入青水泊此名澠非入時之澠水也然古云淄澠之水應指此

廣饒

在今樂安縣東

松按一統志作東北

南北三十里

昭南

臨胸

今青州府臨胸縣太平寰宇記漢舊縣也

有逢山祠

逢伯陵祠也郊祀志宣帝祠逢山石社石鼓于臨胸今

山在縣西二十五里

石膏山

山在今青州府城西南二十五里說文解作高山

洋水所出東北至廣饒入鉅定

水經巨洋水出朱虛縣泰山北過臨胸縣東東北過壽光縣西入于海注巨洋水自朱虛縣北入臨胸縣洋水注之水出石膏山東北流出委粟山北而東注巨洋水攷委粟山在今臨胸縣東北三里志云至廣饒入鉅定不應于此即入巨洋酈氏證古未明也以志合水經是巨洋即此洋水水經之原在朱虛志之原在臨胸耳其

下流則同矣今日瀾水原出臨朐縣南沂山西麓北流  
逕縣城東府城東南有南洋水自北來會南洋水即出  
石膏山者也是志所云之原矣出沂山北麓者即水經  
所云之原矣又東北逕壽光縣東南入海攷巨洋水國  
語謂之具水袁宏謂之巨昧王韶之謂之巨蔑巨具與  
朐同聲然則縣名臨朐者朐即具也古昧蔑亦同聲又  
轉呼之爲瀾耳宋書高帝紀云巨蔑水去臨朐城四十  
里

莽曰監朐

北鄉

侯國

元帝建昭四年封菑川孝王子譚

莽曰禺聚

平廣

北海郡有平壽平望二縣並今萊州府濰縣地此與平  
的縣當亦近之也

侯國

元帝建昭四年封菑川孝王子服表只云平當即此

臺鄉

水經注巨洋水東北逕望海臺今壽光縣東瀕海地疑  
即此

的也

本錄其引者本東其類室新至今其水通其新其

地

武帝報恩曰平桂首以奉天子其表只云平其也

其

明細當本設之也

此新澤育平書平室二湖並今其以保其類故其也

平

其日其察

新勘注地里志卷第八終

